



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Selasa, 12 Julai 2022	
1	Enggan jual Jerry Rm 18,000
2	Lagi Langgar protocol halal
3	JPV Pahang keluar 621 permit penyembelihan korban

DISEDIAKAN OLEH :
**SEKSYEN KOMUNIKASI KORPORAT,
JABATAN PERKHIDMATAN VETERINAR MALAYSIA**

Enggan jual Jerry RM18,000

ALOR GAJAH – Seorang pen-ternak lembu sanggup menol-ak wang sebanyak RM18,000 yang ditawarkan kepada lembu baka Friesian digelar Jerry demi membuat baka kacukan untuk ternakannya.

Ramli Burok, 61, berkata, har- ga itu ditawarkan oleh pelang- gannya untuk membuat korban sempena Aidiladha tahun in.

Katanya, setakat ini dia be- lum memikirkan untuk menjual lembu seberat 400 kilogram (kg) itu kerana mahu menjadikan- nya kacukan baka tersebut.

"Selain Jerry, saya mempu- nyai seekor lagi lembu baka

sama seberat 300kg digelar Tom.

"Tahun ini saya berjaya jual 15 ekor lembu dan seekor kam- bing untuk dijadikan korban. Meskipun jumlah jualan men- ningkat berbanding 2019, nam- un keuntungan menurun ekoran kenaikan kos ternakan," katanya ketika ditemui di Solok Kemang di sini baru-baru ini.

Menurut Ramli, selepas Perin- tah Kawalan Pergerakan, ramai ingin turut serta melakukan iba- dah korban dan ada tempahan diterima sejak awal bulan lalu.

Tambahnya, anggaran harga seekor lembu tahun ini yang

dijualnya sekitar RM4,900 see- kor walaupun harga sebenar mencecah RM5,500.

"Saya kasihankan orang kam- pung yang tidak mampu mem- beli kalau harga mahal. Paling tinggi yang dijual ialah RM8,000 untuk lembu seberat 200kg," ka- tanya.

Sehubungan itu, dia berharap agar kerajaan dalam berbuat sesuatu untuk membantu pen- ternak seperti kerana kos ma- kanan lembu semakin mahal.

Selain lembu kampung dan Friesian, Ramli juga menternak baka jenis Belgian Blue, Brah- man serta Limosin.



RAMLI memberi makan kepada lembu peliharaannya yang digelar Jerry ketika ditemui di Solok Kemang, Alor Gajah baru-baru ini.

Lagi langgar protokol halal

Dari muka 1

Dalam temu bual melalui perisidangan video bersama Utusan Malaysia baru-baru ini, Osama mendedahkan, pihak penyelia dan pengurusan syarikat langsung tidak mengendahkan pemeriksaan kepala haiwan dilaksanakan dengan teliti sebelum mengesahkan kerja-kerja penyembelihan dilakukan mematuhi prosedur halal.

Osama memberitahu, situasi itu sering terjadi dalam tempoh beberapa tahun dia bekerja di situ walaupun kerap kali masalah berkenaan diajukan kepada pihak pengurusan termasuk wakil penyelia halal AHDA.

"Kaedah menembak tekanan pelarian yang digunakan juga boleh mengakibatkan kematian serta-merta sebelum haiwan disembelih. Ia sepatutnya perlu selaras dengan keperluan pematuan syariah. Jika ada antara haiwan tidak melepasi piawaian apabila tempurung kepala didapati pecah, ia dilabelkan sebagai tidak halal.

"Namun, kerap kali tag tidak halal ditanggalkan dari haiwan yang telah dilabelkan haram. Ia ditanggalkan secara rahsia tanpa memaklumkan kepada kami sebagai penyembelih dan pemeriksa halal. Tindakan tidak bertanggungjawab ini pernah diadukan kepada pihak syarikat dan wakil AHDA tetapi malangnya tiada tindakan sewajarnya diambil," katanya baru-baru ini.

Menurut Osama, rumah sembelihan itu mengeksport 70 peratus produk daging mereka ke Indonesia dan Singapura selain beberapa negara Islam lain kerana AHDA mendapat pengiktirafan Majlis Ulama Indonesia (MUI) dan Majlis Ulama Islam Singapura (MUIS).

Pada masa sama, dia turut memberitahu, AHDA dalam



KEADAAN tempurung kepala haiwan yang pecah akibat kaedah menembak pelarian tekanan menunjukkan haiwan itu mati sebelum disembelih dan haram dimakan. (gambar dalam bulatan: pemutar skru menunjukkan kedalaman tempurung pecah).

proses mahu mendapatkan kelulusan daripada Jabatan Kemajuan Islam Malaysia (Jakim) untuk membenarkan produk daging dari semua rumah sembelihan di bawah penyeliaan mereka turut boleh memasuki pasaran Malaysia.

Sebelum bertindak meletak jawatan baru-baru ini, Osama berkata, pekerja juga tidak ada peluang untuk menyemak di bahagian tempat simpanan daging

seperti peti sejuk (chiller) atau rak pembungkusan.

Dia memberitahu, ada antara produk babi turut disimpan dalam tempat simpanan yang sama tanpa pengasingan sekali gus boleh menyebabkan berlaku jangkitan silang antara haiwan haram dan halal dan jelas melanggar Prosedur Operasi Standard (SOP) penyembelihan halal.

Lebih mendukacitakan, terdapat seorang penyembelih halal

yang menjadi 'keldai tunggan' ditugaskan untuk meluluskan setiap produk walaupun jelas sekali ia tidak melepasi piawaian halal.

"Saya pernah membuat aduan, menulis dan bercakap dengan pengurusan AHDA tentang salah laku penyembelih itu, mereka kemudiannya mengambil tindakan membatalkan kad identiti halalanya.

"Namun, tidak lama selepas itu, penyembelih itu diambil bekerja semula. Pernah berlaku dia dan seorang lagi penyembelih menembak terus haiwan tersebut ketika haiwan itu masih bergerak (hidup) bagi tujuan untuk mematikan haiwan itu," katanya.

Mengulas lanjut, Osama berkata, tandatangan inspektor sembelihan halal yang kebiasaannya dalam kalangan penyembelih termasuk tandatangannya sendiri turut disalahgunakan apabila mereka menggunakan tandatangan elektronik secara salin dan tampal bagi dokumen halal seperti sijil interim atau eksport tanpa membuat semakan.

Pihak pengurusan syarikat turut melantik seorang kerani logistik sepenuh masa untuk menandatangani semua dokumen, walaupun dia tidak tahu apa-apa aktiviti penyembelihan di tempat operasi sama ada melepasi pematuan sistem jaminan halal sebenar atau tidak.

Katanya, walaupun AHDA mengetahui perkara ini selepas beberapa kali dibangkitkan, ia seolah-olah memejamkan mata demi membantu syarikat menjimatkan masa dan wang daripada melakukan pemeriksaan halal sebenar.

"Setiap hari kira-kira 400 hingga 650 ekor lembu disembelih, namun, terdapat sekurang-kurangnya 50 ekor tidak lulus piawaian

halal. Bagaimanapun, mereka akan cuba 'menghalalkan' haiwan itu dan hanya mengiktiraf maksimum 15 ekor dilabel tidak halal.

"AHDA hanya datang ke rumah sembelihan ini sekali selepas saya mengadu ketidakpatuhan halal dan hasilnya tidak ada, hanya mengadakan mesyuarat dan surat-menyurat. AHDA datang ke tapak operasi hanya setiap tiga bulan untuk audit 'mesra'," ujarnya.

Selain itu, dia memberitahu, pengurusan syarikat rumah sembelihan itu tidak memberikan ruang waktu sewajarnya kepada penyembelih untuk solat ketika waktu bekerja termasuk untuk solat Jumaat.

Sedangkan, solat merupakan perkara utama yang perlu diti-tikberatkan sebagai penyembelih muslim kerana menjaga solat adalah syarat sah utama dalam memastikan haiwan yang disembelih tidak diragui.

"Selepas saya meninggalkan syarikat itu (meletak jawatan kerana tiada ruang waktu solat, ketelusan, pelanggaran SOP pengasingan halal, tiada sistem jaminan halal yang berkesan diwujudkan), perkara itu masih berlaku dan hampir tidak ada pengawasan dilakukan.

"Saya menghantar emel dan khidmat pesanan ringkas (sms), tiada maklum balas positif atau tindakan pembetulan, malangnya, tiada jaminan bahawa semua daging yang dieksport dari rumah sembelihan ini semuanya halal.

"Pendedahan ini sebagai pengajaran supaya Jakim tidak mempertimbangkan kelulusan kepada AHDA demi kebaikan umat Islam di Malaysia," katanya.

Utusan Malaysia cuba menghubungi pihak AHDA berhubung isu ini menerusi e-mel, namun tiada maklum balas diterima setakat ini.

JPV Pahang keluar 621 permit penyembelihan korban

KUANTAN - Sebanyak 3,796 ekor lembu, kerbau, kambing dan kambing biri-biri telah disembelih untuk ibadah korban pada sambutan Aidiladha pada Ahad di seluruh Pahang.

Pengarah Jabatan Perkhidmatan Veterinar (JPV) Pahang, Dr Kamaliah Ghazali berkata 621 permit sembelihan haiwan ternakan untuk ibadah itu telah dikeluarkan oleh pihaknya.

Menurutnya, permit dikeluarkan kepada individu, surau dan masjid, jumlah haiwan yang akan dikorbankan pada Aidiladha kali ini bertambah berbanding sebelum ini.

"Daerah Kuantan mencatatkan haiwan ternakan terbanyak yang dikorbankan iaitu sebanyak 1,075 ekor, diikuti daerah lain membabitkan antara 32 hingga 447 ekor.

"Hampir 87 peratus haiwan yang di-

korbankan membabitkan ternakan lembu baka Kedah Kelantan (KK) dan selebihnya kerbau, kambing dan kambing biri-biri," katanya ketika dihubungi pada Isnin.

Beliau menambah, pegawai JPV sentiasa melakukan pemeriksaan di lokasi sembelihan bagi memastikan pihak yang melakukan ibadah korban memiliki permit sembelihan seterusnya mematuhi syarat ditetapkan.

Jelasnya, tindakan undang-undang boleh dikenakan pada pihak melakukan sembelihan tanpa permit dikeluarkan JPV.

"Kita sebenarnya ingin ini memastikan haiwan yang akan disembelih berada dalam keadaan baik dan bebas penyakit.

"Jadi kita minta pihak yang melakukan ibadah korban diingatkan supaya sentiasa menjaga keselamatan bagi mengelak sebarang kejadian tidak diingini berlaku," ujarnya.



JPV Pahang mengeluarkan 621 permit sembelihan haiwan ternakan untuk ibadah korban.